

Powšitkowne WOZJEWJENJA

njedźelu, 24. decembra 2017

Hodowny koncert w Radworju

Swój lětuši hodowny koncert wuhotuje chór Meja pjatk, 29. decembra, w 19 hodź. w Radworskim hosćencu „Meja“. Jako hosći su sej Mejenjo Měrcina Weclicha kaž tež swój wumělski dorost přeprošyli. Nimo woblubowanych znatych hodownych spěwow zaklinča tež někotre nowe mjezynarodne. Koncertej přizamknu so reje. Wšitcy su wutrobnje do Radworja přeprošeni.

Hodowny nyšpor chóra Lipa w Róžeńće

Chór Lipa a instrumentalisća wuhotuja štwórtk, 28. hodownika, we 18 hodź. w Róžeńčanskej cyrkwi swój tradicionelny beneficy nyšpor. Lětsa zapletu někotre hodowne spěwy do hodowneho powědančka po Astridze Lindgren. Zběrka při durjach budže za dobry skutk. Wšitcy lubowarjo hodownych zynkow su přeprošeni.

Silwester do Baćonja

Lětuši silwesterski hudźbny nyšpor njedźelu, 31. decembra, w 19 hodź. w Baćonju wuhotuja Hilža Zyndžina, Alexander Pólk a Terezija Kubašec. Baćońska wosada Jězusoweje wutroby wšitkich wutrobnje přeprošuje.

Za koparski turněr wo pokal TCM so přizjewić

Towarstwo Cyrila a Metoda z.t. (TCM) zarjadowuje sobotu, 6. januara, w 15.30 hodź. w Chróšćanskej „Jednoće“ halowy koparski turněr wo pokal TCM. Přeprošene su wosadne a wjesne mustwa młodžiny kaž tež mustwa sportowych jednotkow. Kóždy mustwo měło z wosom hrajerjemi nastupić. Hrać budže so z třomi koparjemi a wrotarjom. Přizjewić měli so mustwa hač do soboty, 30. decembra, pola Guida Zahrodnika w Jaseńcy, telefonowe čisło (03 59 33) 3 11 53 abo mobilnje pod (01 51) 52 22 17 59.

Mandźelske seminary w lěće 2018

Přizjewjenja za seminary k přihotej na mandźelstwo přijimuju so pisomnje hač do 19. januara 2018 w dekanatnym dušepastyrstwe we Worklecach, Młynski puć 4. Formulary k tomu wuleža w cyrkwjach. Nańdžeće je tež pod www.posol.de

Putniska jězba do Słowakskeje

Serbska putniska jězba do mała znateje Słowakskeje přewjedže so klětu wot srjedy, 4. julija, hač do pónđzele, 9. julija, z Tereziju Kubašec a fararjom Geratom Warnarjom. Wobdźělnicy zeznaja lud a kraj pod Wysokimi Tatrami. Hotel změja w Levoči. Wottam wobdźěla so na putnikowanjomaj na Marijansku horu a do Litmanovy, wopytaja Prešov a Košice a móža so wot Tatrow wobkuzlać dać. Přizjewjenja přijimuje Šmitec wozydłownistwo w Radworju, telefonowe čisło (03 59 35) 28 60. Nadrobnosće k putniskej jězbe poda tež Baćoński farar Gerat Warnar.

Klětu štyri putniske jězby

Na jězbu z lětađlom přeprašuju zajimcow klětu wot njedzele, 10. junija, do pjatka, 22. junija, do Georgiskeje a Armenskeje. Dalše putniske jězby z busom powjedu wot srjedy, 4. apryla, do štwórtka, 12. apryla, do Lourdesa; wot srjedy, 23. meje, do njedzele, 27. meje, do Wrocławja a Krakowa kaž tež wot soboty, 29. septembra, do srjedy, 3. oktobra, ke Gardaskemu jězorej a do Venediga. Nadrobniše informacije dóstanu zajimcy pod telefonowymaj čisłomaj (01 63) 7 33 82 05 abo (03 57 96) 9 54 28 (po 19 hodž.) abo pola mnje w Hórkach, Sydlišcowy puć 2. *Maćij Hadank*

Kurs k přewodženju mrějacych

Nowy přihtowanski kurs k přewodženju čezko chorych a mrějacych přewjedže Hornjołužiski zwjazk Carity klětu wot 7. februara hač do 14. měrca stajnje srjedu wot 17 do 21 hodž. a na sobotomaj wot 9 do 15 hodž. Nadrobniše informacije dóstanu zajimcy w Kamjenskim Domje Carity, Haydnowa 8, telefonowe čisło (0 35 78) 37 43 12.

2018

Terminy Towarstwa Cyrila a Metoda z.t.

6. januara	15.30 hodž.	Chróscicy	halowy koparski turněr wo pokal Towarstwa Cyrila a Metoda z.t. (TCM)
3. a 4. februara		Dachau a Mníchow	jězba serbskich młodostnych k 75. posmjertninam zbóžneho kapłana Alojsa Andrickeho
27. februara	19.00 hodž.	Chróscicy	spominanje na fararja a spisowačela Jurja Wingerera składnostnje jeho 100. posmjertnin (zhromadne zarjadowanje Chróšćanskeje wosady a TCM)
6. měrca	14.00 hodž.	Smochćicy	zetkanje samostejacych ze serbskich wosadow
16. měrca	18.30 hodž.	Radwor	spominanje na wučerja, basnika a redaktora Katolskeho Posoła, Michała Nawku składnostnje jeho 50. posmjertnin; započatk z Božej mšu (zhromadne zarjadowanje TCM a Radworskeje wosady)
19. měrca	19.00 hodž.	Ralbicy	hlowna zhromadźizna TCM; započatk z Božej mšu
11. apryla	19.30 hodž.	Bačoń	spominanje na duchowneho a redaktora Katolskeho Posoła, Jurja Delenka składnostnje jeho 100. posmjertnin; započatk z Božej mšu (zhromadne zarjadowanje TCM a Bačońskeje wosady)
6. meje	17.00 hodž.	Róžant	mejski nyšpor TCM
9. do 13. meje		Münster	101. zjězd katolikow Němskeje
meja			wulět samostejacych ze serbskich wosadow
1. do 3. junija		Budapest	lětne zetkanje Europasion; skupina TCM je k tomu přeprašena
23. junija		Radwor	běh wo pokal zbóžneho kapłana Alojsa Andrickeho składnostnje jeho 75. posmjertnin
september		Smochćicy	zetkanje samostejacych ze serbskich wosadow
30. septembra	14.00 hodž.	Chróscicy	nyšpor na domchowance z požohnowanjom konjacych zapřahow
13. nowembra	19.00 hodž.	Chróscicy	přednošk Joachima Jauera, něhdyšeho korespondenta ZDF we wuchodnych krajach
11. decembra	14.00 hodž.	Smochćicy	zetkanje samostejacych ze serbskich wosadow